



酌中志餘

14
604
10



門才曾
號 604
卷 10



欽定逆案分款全錄 此係二年所定後處分多有更改

一首逆

魏忠賢

太監先名進忠改名忠賢管理東廠因二十四款罪疏參惡逆益熾稱上公呼

九千

兇殘禍國僭肆逼尊罪惡貫盈神人共

憤逆節已著寸磔允宜

特賜印信專掌朝綱一手薛天毒流海宇

戍遣鳳陽縊死

中途寸斬戮屍

客氏

正刑焚屍揚灰與魏逆同時籍沒 乳保

特恩寬渠朋黨凌尊竊勢納賄盜珍陰逆首

奸死不盡罪

約中志餘 卷下

以上依謀反大逆論不分首從皆凌遲處死
已經正法

一首逆同謀

崔呈秀 北直薊州人癸丑科任工部尚書兼都御史專管大工升本兵負國忘親通內竊柄克謀力贊璫禍首開佐逆渠魁
廖屍猶幸 淮揚巡鹽犯賊聽勘結璫回道通屍內管工把握朝權後拿問縊死廖

李永貞 太監魏逆腹心凡造謀票旨皆出其手為刑餘首惡 主謀代筆盜帑淫刑佐逆與謀上刑正法



李朝欽 太監與魏逆同謀主使共縊死阜城縣客店奉旨腰斬 附奸久與

逆謀殉縊未盡其辜

魏良卿 魏逆之子市井棍徒初封肅寧伯後封肅寧侯三封寧國公斬于西市
惡首逆偽冒三封盜帑竊權罪浮於辟

一迎合首逆

趙興邦 北直高邑人辛丑科京察特起翻局吏科都給事中加太僕寺少卿 兵垣
賄聞失職吏都營起復仇趙太宰力致譴賊

五御史一疏駢斥

傅梃 江西臨川人癸丑科刑科給事加太僕寺少卿 結同宗潛通內

廷特異見顯開始禍

魏道之甥傳應星擺結為兄弟

安

伸

山東淄川人丁未科降處曹欽程特薦河南道加太僕寺少卿

按差已

滿留金助祠頌本有天眷聖明賚心膂以贊

內外臣衙門已有公疏不能自陳芹曝之忱

等語

與楊維垣管察抹殺忠良引用舊人

孫國楨

浙江慈谿人癸丑科年例躡轉翻局登萊巡撫

撫登稱頌二疏

有聖主中興明良會合厥臣忠誠貫天地勇

略震華夷等語又厥臣擎天巨手翊運真才

四內臣一腔忠赤等語

郭

鞏

北直遷安人癸丑科降處特起翻局兵部侍郎

為魏忠賢報首

參之仇致周宗建有逮死之慘亞卿躡轉通

內可知

馮嘉會

北直河間人乙未科兵部尚書宮僚

部務請屢多徇稱頌

有十六疏復劉應坤本有厥臣精忠體國矢

志籌邊既承特達之知必蒙破格之眷等語

曹思誠

北直景州人甲辰科吏部尚書

河間醵金建祠要津摧

折善類辭恩本有赤心報國殫力圖維費省

功倍之親臣等語

孟紹虞 河南杞縣人癸丑科歷任禮部尚書 署禮部有九天輪奐

一新本有心膺元臣篤生應運等語

李恆茂 北直邢台人丙辰科給事 薦起崔呈秀為三李中一

人入幕參謀朋比害正 三李為李魯生李蕃李恆茂是也

張樸 四川閬中人戊戌科戶部尚書加太子太保 建四祠頌十二

本有皇上開億萬載靈長之祚上公特應五

百年名世之期又天啓明良又內鎮清忠元

臣指授等語

郭尙友 山東濰縣人辛丑科漕運總督加戶部尙書 巡撫報南星恨

總漕建瞻德祠神功參天地本有厥臣掃逆

如雷如雲翼正為雨為雲宏德無疆大功蓋

世等語

李精白 河南杞縣人南直潁州衛籍東省三祠

諛頌六疏元輔功高普被本有厥臣孤忠報

主殫慮匡時掣魁柄以還至尊掃浮雲而開

九照傳頌對聯有至聖至神多福多壽等語

秦士文 山東蒙陰人甲辰科兵部侍郎 祠頌七疏餽器鏤名頌

本有業赫聖明之怒昭上公之功等語

張文熙 北直景州人 癸丑 科御史加少卿 逆璫姻親羣邪契好

嗾倪文煥誣周順昌巡視光祿有頌璫疏

楊維和 南直武進人 癸丑 科工部主事加副都御史 主事加銜副都

睚奸曲盡諂媚

何廷樞 廣東富川人 丙辰 科御史加少卿 封爵已定給賜宜優

本有查發額地七百頃銀二千兩及查參違

例通欠等語

陳朝輔 浙江鄞縣人 丙辰 科御史加少卿 安平莊由催撥各屬

先報田數那解錢糧

許宗禮 北直長垣人 丙辰 科御史右都 戶部吏員更調管察考

選曲徇要路躋陞同鄉比黨

卓邁 福建莆田人 己未 科御史加太僕寺少卿 二祠一頌當敗反

攻代崔呈秀報復參夏之令逮死廟算制勝

本有厥臣知人善任罇俎折衝等語

盧承欽 浙江餘姚人 丙辰 科御史 諛頌三疏又請刻黨籍榜

示海內建祠本有肱股良弼社稷光勛扶聖

主於中興煥宸居於大壯等語

陳爾翼 浙江山陰人 丙辰 年例特起 翻局吏科給事加太常寺卿 頌逆有內

外諸臣心厥臣之心等語薦崔呈秀為本兵
請五城邏殺東林餘孽

石三畏北直交河人趙南星當銓劣轉崔呈秀

特薦御史王官夤緣考選

郭興治北直東光人庚戌年例攻道學例轉因

中旨復還參方震孺逮問薦吳涪夫京堂

劉北直清苑人丙辰稱頌十一本誣房可

壯樊尙燥鹽差參能廷弼懸贖百萬頌本有

厥臣精忠幹國盡心籌畫三戰三捷奏此膚

功等語

智北直元氏人舉通內得選北道喉害善

類多人參解學龍侯恪削奪頌本有運籌帷

幄付託得人等語

王湖廣蘄州人己未參方大任問徒追贓

祠頌疏中不名厥臣謝恩本有厥臣勵精勤

勞經營得法俾三朝之缺典克興等語御史

不許納贖親到驛所房山建顯德祠成置香

何宗聖湖廣隨州人舉房山建顯德祠成置香

火地題祠本有厥臣睿算參微精誠格天等語

汪若極

南直旌陽人己未科御史加少卿

阿逆璫兩疏諛頌羅

贊化一獄媚奸天心助順本有厥臣緝奸助

餉中外感激精忠等語

陳維新

浙江上虞人壬戌科給事中加副都御史

參王允成薦張我

續疏云無奸不照又云清明再闢

門克新

河南汝陽人己未山東巡按

羅織孫文豸顧同寅冤

斬詞連文震孟陳仁錫鄭鄭除名

游鳳翔 假參高攀龍自辨復原職借糾官秉

忠劾惠世揚

田景新

貴州人己未科巡按

始在師門竊柄同事殿工疏

薦崔呈秀侍郎兼僉都御史

呂純如

南直吳江人辛丑科兵部尚書

惠藩監隨掠斃夫役復

命疏歸美厥臣

吳殿邦

廣東海陽人癸丑科尚寶寺丞

媚璫劾樊王家追賊通

參政尙寶卿破例

黃運泰

河南永城人己丑科戶部尚書加太子太傅

建祠守祠稱頌

十本有厥臣志切恢復知人善任運籌帷幄
文武承受方略等語

李從心 北直南樂人壬辰科河南總督尚書加太子太保 祠頌五疏河

道敘勞本有厥臣懷擎天浴日之赤心運旋

乾轉坤之妙用獨居首功當膺特薦等語

楊邦憲 山東益都人丁未科江西巡撫 江西建祠元勳功德甚

隆木有厥臣魏上公光岳元精扶輿正氣等

語 折毀澹臺祠得罪名教 郭增光 北直大名人丁未科河南巡撫 河南會建戴德祠有厥

臣德隆乞請額名本有體國精誠萬民傾慕
等語

單明詡 山東高密人己未科巡撫加主事三年

躡躡巡撫肅甯城工得力畿輔籌邊未聞

王 北直魏縣人丁未科大同巡撫 大同會建嘉猷祠

助工本有厥臣純忠為國默助自天邊疆未

吏敢不體厥臣以體宸衷等語

李 嵩 山西蒙河人甲辰科登萊巡撫 登萊二祠稱頌七疏有

厥臣神謀祕算授計籌邊赫聲濯靈揚威命

鎮等語

牟志夔四川南溪人甲辰科京察特起翻局山東巡按建祠派銀屬員

稍遲立斃解役

張三傑山東觀城人癸丑科甘肅巡撫巡撫甘鎮稱頌五本有

廠臣與開部和衷籌畫燭照邊陲紀綱振肅

等語臬司驟躋開府夤緣攀附有徵

曹爾楨南直長洲人戊戌科戶部尚書加太子太保撫晉建祠三本

有心替重臣早夜經營細大拮据等語

毛一鷺浙江遂安人甲辰科南直巡撫蘇州同王珙建祠被逮

周順昌被逮激變

張文郁浙江天台人壬戌科五年躋升工部侍郎加右都御史主事驟躋

侍郎督工夤緣媚逆

周維持南直金壇人己未科御史周應秋之弟疏請刻黨籍拆書

院論劉一燝周嘉謨等削籍元祐之禍幾成名教之所不容

徐復陽南直武進人丙辰科南道御史疏誣郝士膏追賊參方

逢年等削奪犯忌以主考持局結案二疏護奸害

正有據甲子科試策犯忌忤璫者被削丁卯科試題莫不尊親五省共出以堯舜

諛者何不檢舉耶

黃憲卿

江西廬陵人丙辰科御史山東巡撫

中城山東二祠頌元

勳萬古為烈本有厥臣赤心中天日月熱腸

特地乾坤成兩朝大慈大孝佐九重允文允

武等語

許其孝

北直蒙城人癸丑科巡兩淮鹽務孝節至猶穿大紅建祠上梁

會建瞻

恩祠頌本有督厥魏上公天付英姿靈鍾名

世功高社稷德被商民等語與揚州許其進推官合謀媚逆

建祠親自督工鹽商受禍最慘

張養素

福建建安人癸丑科太僕寺卿加副都御史

建二祠頌王師

屢捷本有賴厥臣以安社稷之勳口口定之

略方略密授機宜悉符等語

汪

裕

河南商城人己未科御史加少卿

建祠守祠諛頌七疏

元臣功德天崇本有魏忠賢丹淵浴日靈腕

補天德曜乾坤勳在社稷等語

梁克順

河南鄆陵人舉人南道御史

受人意指橫肆彈劾酬

恩本有東林元兇大愆立為逮詰削奪海宇

共睹清醒等語

劉宏光

山東臨邑人己未科御史

兩院會彙建報功祠屢疏

糾彈多屬善類

溫皋謨

廣東東莞人癸丑科湖廣巡撫

湖廣建隆仁祠本有廠

臣計安社稷翊贊朝廷茂功崇德藏在盟府

等語

鮑奇謨

浙江餘姚人己未科河南巡撫

河南會建戴德祠頌與

郭增先同撫臣也

莊

謙

山東莒州人己未科御史

會建祝恩祠并頌二本有

廠臣德著廟堂中外享有道之福內扶社稷

遐邇承無疆之休等語

陳以瑞

江西進賢人己未科御史

叩逆像長揖佛前致璫疑

旋被斥逐

龔萃肅

南直合肥人丙辰科御史

鹽差建祠本有東廠魏上

公顯然柱國元勳卓爾清朝碩輔等語

李應薦

山東恩縣人癸丑科御史加少卿

薦潘汝楨監試中崔

鐸招嫌

何可及

雲南劍州人己未科御史加少卿

頌疏五本先帝與逆

璫並稱

李時馨

陝西綏德人己未拜南道御史

改折本內有火災修省

天心仁愛內有竭忠之臣外有調元之相可
繼消弭此真堯有九年之水益成其為聖帝
等語

劉漢湖廣沔陽人舉人歷南道御史兩疏媚迎糾參可憑

王大年山東壽張人癸丑科御史加少卿巡城建祠雖由台疏
中外執法憲紀何存

余合中南直銅陵人庚戌科年例特起翻局御史加太常寺少卿恭陳本有

臣跽伏田里臺臣崔呈秀等交章薦拔又潔
已奉公之厥臣保護於內鳳至麟生等語

徐吉四川內江人丙辰科蘇松浙江巡按建祠本有厥臣澤被
海隅等語祠成仍疏敘効勞官有厥臣功德

不朽等語

宋楨漢福建莆田人丙辰科御史淮南建瞻德祠會疏同詞

諛頌

張汝懋浙江山陰人癸丑科御史誣奏樊尙燦房可壯楊嘉

祚等追賊

許可徵河南尉氏人己未科兵垣加副都御史捷音俘解本有厥

臣先機運籌閣部秉公謀贊內鎮督撫道將

鷹揚閩外等語兵垣以邊事頌加銜左副都

劉述祖河南陳晉人庚戌科江西巡撫撫院會稿建祠諛頌無

所規正

李燦然浙江縉雲人己未科御史河南會建褒勛祠本有魏

上公帝簡篤生佐興間出允九五之元臣洵

五百之名世等語

劉之待湖廣興國人丙辰科浙江巡按會潘汝

楨疏到稍遲後以例推被削

孫之獬山東淄川人壬戌科翰林院日講官順天主試中崔呈秀子鐸中崔呈

秀子崔鐸噴有人言哭要典大貽嗤笑

吳孔嘉徽州人乙丑科翰林編修登第即工通

丙黃山慘殺多人許志吉已丑典刑吳孔嘉已視斥擬徙主事呂下問

何以獨免

潘士聞江西宜春人己未科閩中試錄序文有

聖主當陽帝賚良弼策內有廟堂之上帷幄

之中勝算密謀出奇授略等語

季寓庸南直泰興人壬戌科吏部主事奸璫薦入銓司鎖管見

於叅劾王應泰順天薊州人己未科史臣張元芳兵部主事崔呈秀之婿皆逆樞

至威薦
入銓司

阮鼎鉉 河南洛陽人監生大理寺右丞 誣參呂坤并鄭三俊三

案元亮 一疏媚璫備極稱揚

李若琳 北直濟南人壬戌科翰林院日講官 上林官民建祠列名

不能堅拒

張永祚 南直宜興人官生後軍都督府經歷 建良收署存仁祠嘉

脛署洽恩 祠林衡署永愛祠

周良材 雲南永昌人丙辰科吏部郎中 璫孽逆封案呈題覆

曾國楨 江西臨川人丙辰科太僕寺少卿 建蘆溝橋隆恩祠本

有厥臣精誠格天睿算通微等語

張化愚 河南內鄉人官生戶部郎中 建崇文門廣仁祠元功

德業普施本有精忠貫日等語

李桂芳 北直南河人舉人戶部員外 大工諛頌又守令怠緩

本參賀仲軾胡敬宸有厥臣急公之念可容

草莽委之等語

張一經 軍國大計本有天眷聖明篤生厥臣

安內攘外功高千古等語

陳殷 浙江山陰人壬戌科工部主事加太僕寺少卿 主事僕卿奪情

視事

夏敬承 湖廣竟陵人舉人間居持起翻局南道御史 拜祠首倡諛言

上公高懸榜諭

周宇 四川成都人癸丑科兵部郎中 矜胡監鄉親厚善誇魏

祖神道通靈

魏身 北直南樂人魏廣徵子官生戶部主事升廣東廉州知府 自認逆孫

逆祠朔望謁拜

郭希禹 山西宣府人監生大理寺評事 輸田二百頃為逆祠祭

田

頡

鵬 山西祁縣人壬戌科郎中升徽州知府 逆祠倡拜題額陞

郡再建崇祠

李際明 山東安邱人己未科南直兵部郎中 劣轉賄奸陞官逆祠

治品供獻

魏宏政 湖廣漢川人舉人四川遵義知府 借胡監分金薦題四

拜逆祠遶門引水

岳駿聲 浙江嘉興人庚戌科通政 誣王之案受贓竟至逮死

挺擊誣案已燬肆辯不休

郭士望 湖廣蕪水人甲辰科先任吏部恩參政 直陳東林陷害本

有厥臣魏上公轉陰靈日月為光朗乾坤臣

何幸遭逢明良盛世等語參南居益魏大中

周起元等又自稱曾經崔呈秀特薦

張聚垣四川內江人舉人准貢附璫臘轉管差貪

累萬金

周鏘錦衣衛籍癸丑科河南參政河南督建報德祠毀王

府民房二千餘間起宮殿九楹

徐四岳官生大理寺卿任子工部加銜頌卿貳頌本有

臣蒞任以來木稅一節倍意釐剔一念微衷

莫非仰體厥臣德意等語

辛思齊舉人山東兵備參政諛詞一本媚璫攘官

胡芳桂四川巴縣人癸丑科特薦與援復仇害正

參房可壯樊尚燥胡承順陸師贊

以上交結近侍官員律引各律減二等坐徒

三年納贖為民

李希哲 胡良輔 崔文升 李 實

李明道 孟進寶 王體乾 劉 敬

徐 進 馬 玉 楊 朝 胡 濱

劉鎮 梁棟 張守誠 商承德

以上一款十六人并前一款徐應元等十五
人中有見任閒住的并放回原籍俱革去冠
帶為民奉聖旨覽卿等奏這逆謀璫附諸人
罪狀各殊刑章宜正除重辟以上監候逮問
見擬外其充軍發遣及贖徒為民行該撫按
照數款結引具奏朕遵明國憲勅法除奸申
儆官邪昭布中外還同勅一體通行該部院
知道欽此

大學士韓爌等一本為遵奉聖諭事臣等欽奉
皇上屢諭參定附逆一案反復商確除將祠頌
贊尊諸臣分別重罪擬成以至削籍為民開列
款項具疏奏聞及聖諭事本為公而勢非得已
素有才力而隨人點掇如封疆遼黔及素任無
過諸臣俱置勿議外若稱頌稍次前款諸臣或
居位鮮匡維之略而指蹤亦無奸謀或濫竽備
疇采之員而線索初非自主或行本歧邪播璫
惡非為戎首或階因驟躡稽職掌尚未全隳及

專闢建牙品原庸碌散員冗吏識昧挺持者臣
等欲再擬減等則恐前重而後輕欲槩擬削籍
又慮罪輕而罰重謹依考功法不謹列一款將
諸臣並擬同居另請上裁如蒙皇上俯允彼重
處者知媚逆之不可爲卽寬政尙從褫削此量
懲者幸身各之未盡辱縱枯槁亦沐恩波其於
激揚人心培養元氣未必不均有藉矣至中外
軍民商匠數項初擬行撫按查究旣復思之此
輩么麼末品見縉紳尙且風靡彼效尤何足深

怪又聞上本時多奸棍捏名希榮竊潤今名雖
在而人半非必行追究恐有桃僵李代之虞其
眞正倡謀罔利者地方缺而治之有餘可無煩
宸斷爲也再照此舉臣等懷奉聖謨臚列三案
考據不敢不核程量不敢不平秉心不敢不虛
持議不敢不正年來目睹耳聞收括略盡卽重
有溢出或存疑者決無元惡大愆得竄逃於指
視之外聖諭謂卽有漏遺亦赦而不究大哉王
言眞爲覆載同量從此務祛元黃各修職業養

董可威 山東益都人乙未科工部尚書在工一味恭謹猶幸見幾早去

李思誠 南直興化人王家棟之居閒一事雖賄非自受然比昵匪人遭璫削奪頌璫有純忠

體國大業匡時等語 王之臣 陝西潼關人乙未科任總督加尚書太子太師操守多可議亦

有頌疏年來涉歷邊疆稍寬一黜 胡廷宴 福建漳浦人乙未科陝西巡撫材本庸憤濫竽建牙致盜充斥人謂黃緣招禍

張九德 浙江慈谿人辛丑科大理卿加副都御史素無節鉞之望乘時躋躒諒匪無因

周維京 福建晉江人乙未科應天府尹為南京兆嘖嘖人言兼有頌疏

徐揚先 南直吳縣人癸丑科河南道御史顧大章惠世揚獄依違文致薦舉亦多匪人後遭璫削情稍可原

陳序 山東曹縣人己未科給事中誣孫居相參梅之煥兩聽人指使

曹谷 浙江秀水人癸丑科以報藩舟出境頌聞居特起翻局御史

又疏論要典不可燬

朱慎釜

山西汾州人壬戌科宗室中書頌止一疏揚掄太甚宗

差逆可羞之甚

郭如閻

江南廬陵人癸丑科南科生平操守無疵錦甯賀捷

頌美已過

何

早南直懷甯人戊戌科論處特起翻局南道御史

不端後為李明道論劾姑從寬政兩疏稱頌趨向

虞大復

南直金壇人丁未科南

揮霍有餘操持

多議至稱頌形之辯揭

葉天培

福建莆田人丙辰科廣信知府遊玩逆寺遂至屈膝雖

傳汗頰何遑媿心

邱存性

北直昌黎人丙辰科南兵部主事

外計不謹起補原官

旋躡兵曹人多異議

葛大同

湖廣江夏人舉人南工部主事與胡良輔交好旂幟鼓

吹迎送江干

馮三元

北直三河人庚戌科降處特起翻局副都御史躡蹠副院人望

不孚

喬應甲

山西猗氏人壬辰科撫秦滋議追賊候

酌申志餘

卷下

三

結連上十疏罵趙南星楊左諸人罪浮於徐大化
楊維新陝西高陵人己未科六年躡升兵部左都御史蠲助之國二疏
稱頌

朱國盛南直松江人庚辰科輓漕二載勞議相半加銜躋
躡速化何辭

馮時行北直河間人己丑科太僕寺少卿逆璫同里以破甑營
改京堂

呂鵬雲北直東明人丙辰科大理寺丞年例請告與孫傑等破
例復官未幾乞差猶能自避

董茂中浙江山陰人癸丑科歷大理寺副察處借題辯復改陞

京堂
周昌晉浙江鄞縣人丙辰科御史持議每多依傍循資未免

躡遷
虞廷陞浙江海鹽人丙辰科任吏部給事中參趙南星薦李夔龍
等不協公論最後遭璫削奪差能晚蓋

楊春茂江西南昌人丁未科京察特起翻局御史巡按應天素無大過二
疏涉頌

徐景濂福建莆田人癸丑科太僕少卿昏憤潦倒持論舛僻

陳保泰 福建惠安人癸丑科 倒轉中旨復官璫

敗曲疏文飾

郭興言 河南洛陽人丙辰科 浮沈依附亦有頌

疏後參郭守仁等一疏可原

歐陽充才 江西泰和人甲辰科 始因任性逐璫後以

彌縫毀節

夏之鼎 南直崑山人舉人江甯 兩任縣官原無

善績製匾逆祠有干清議

張九賢 山東歷城人癸丑科 刑部主事外察不謹自疏復官

李宜培 河南郊縣人癸丑科 吏部主事在銓滋議亦有疏頌

譚謙益 海舉人 山堂官察處自辯復官

吳士雋 頌疏

徐溶 南直長洲人監生 又第 頌疏

李三楚 頌疏

童舜臣 浙江山陰人監生 北京衛官 頌疏

陳守瓚 頌疏

以上四十三人俱照考察不謹例擬冠帶閒住奉聖旨這項所列量懲各官擬議允協都

是懼用是搜輯舊聞譜諸聲律草率蕪陋萃為百首匪特風雲月露頗踵仲初之後塵却謂誹謗傳言欲備董狐之旁探也虞山陳棕次杜氏自序

萬壽宮中盡綵衣金鏡新樣昔時稀一雙仙鼠丹砂染貼著齊天字腳飛

宮中過萬壽節卑賤者皆不衣青紫天啓時每屆節宮人競翹新式方勝葫蘆戴之有寶歷萬年四海豐登洪福齊天等名八寶荔枝

萬字鮎魚是曰寶歷萬年四隅各填海字中

有兩蜂附燈而飛是曰四海豐登中填齊天

二字兩旁赤色蝙蝠各一是曰洪福齊天

駿馬乘來是九邊玉鞭銀勒錦連乾飛玄光獨

承恩最抹布刀兒賜御前

韓致堯詩云
驄馬錦連乾

魏忠賢畜名馬以干計邊將滿桂杜文煥輩

魏遣也間擇其尤駿者進御上賜以赤霞驄

流雲飛玄光等名又內臣陞騎馬玉帶賜抹

布刀兒者牙箸一雙小刀一柄金銀為鞞繫

於衣左貴近內臣蒙賜過者方敢服之

紅粉排班玉輦傍苑西花柳踏春陽中宮侍從
偏無幾窄袖高鬟一樣裝

張后性淡靜愛憎稍與眾異客氏教宮人效
江南作廣袖低髻尤爲后所厭薄暮春日
駕幸西苑等處坤寧宮侍從多不踰三四十
輩其裝束如圖畫所貌古人像客氏往往目
笑之

明鏡孤鸞罷舞時乾西風柳學腰肢朝來枕上

驚聞報御藥偷攜付阿誰

乾東乾西各有房五所向爲宮婢秩尊者所
居庚申冬客氏封奉聖夫人遷居乾西二所
嘗卧病欽賜人葠甚夥魏忠賢盜取之以獻
王安是時客氏夫侯二初亡雖與忠賢有私
猶未甚昵先是移宮時楊漣疏參忠賢安有
庇護恩故也

越水吳山千萬重御樓圖書作屏風君王盡日
含顰坐佳麗江南在眼中

魏忠賢令御用監作五彩屏風繪西湖虎邱諸勝設御榻左右欲導上效武廟南巡故事也上玩之忘倦

紅圈疎密記何人早晚微詞動至尊一筆驚看白未逼急傳中旨出宮門

魏廣微以縉紳便覽一冊摘怨家姓名殊筆圈之隙深三圈次者二再次者一密授忠賢於每日奏文書時危詞冷語挑激聖怒請用范文正公一筆勾凡係門戶之人皆按紅圈

白去偶有遺忘必傳中旨責處之中旨者不由章疏竟從內廷批發者也亦曰內批

相邀走馬坐花間纖指鬪分十二閑至竟出簾

誰第一鬧頭先壓玉門關

即打馬也

走馬古局戲時官中盛行之先按骰子色某點某關合局共十二閑倣周禮天子閑有十二之舊也隨各出賞錢貯玉門關上名曰鬧頭兒第一次得真本采者得之後按出局早晚以定勝負出局稱出窠亦稱出簾

西口志卷下
奉觴春晝錦如雲白玉闌西曙色分二十四衙
齊跪拜一聲千歲滿宮聞

魏忠賢以正月晦日生每歲元旦後十二監
司馬八局共二十四衙門內官祝壽者緋袍
玉帶侵晨充初庭下乾清門至乾清宮左右
白玉爲闌干忠賢直房在西南攬角逼近闌
西當拜賀時老爺千歲千千歲九千歲之聲
殷訇若雷上徹御座

金海橋西問舊堂幾回清淚滴霓裳不知阿母

傳何語罷遣宮人到洛陽

客氏憚張后嚴明謗以蜚語謂后父非張國
紀乃繫獄海寇孫官哥所生也內安樂堂在
金海橋西宮人有罪及老病者居之憲廟時
萬妃怙寵紀后託病駐輦於此篤生孝廟客
氏揚言欲奏請修築行紀后故事又將遣名
下宮人潛往河南訪后家世故使后聞之后
窘甚無計適客氏歸私第其母動以危言事
乃得寢后嘗用白綾間新桑色綾製衣如鶴

警式服之禮大士宮中稱為霓裳羽衣

盤盃珠翠未休工何處封章瀆聖聰六局印官

承應慣略宣數語付批紅王少伯詩玉陛分朝列文章發聖聰

上好手造漆器研牀梳匣之屬咸飾以五采

工巧妙絕出人意表當斲削得意時或有急

切章疏奏請定奪命識字女官朗誦官職姓

名殊語誦甫畢玉音輒諭王體乾輩曰我都

知道了你們用心行去諸奸於是徇其愛憎

恣意批紅施行舊制凡奏進文書御筆親批數本其餘則司禮監監官遵

閣票字樣或奉旨更改用稱筆批之是以謂之批紅

寶冠隨獵競相誇雲擁雙龍雉尾斜眾裏閒評

誰最稱玉人含笑看高家

內臣所戴金絲束髮冠舊有此式至此時而

加侈焉蟒龍蟠繞下加翠額插雉尾前捧朱

纓傍綴寶玉王體乾輩侍駕圍獵多帶之兼

衣窄袖戎衣束小玉帶蒼顏豐軀最不雅觀

相宜者惟高永壽一人而已

高枝霄損御衣黃打牙驚呼暖殿忙南望樓船

西中志餘 卷十
花氣裏有人歌舞伴紅妝

上幸西苑登樹看鳥窠捕其雛失足墮地裂
裳破面是日容魏同舟宴橋南荷池相去僅
里許佯爲不知司禮監監官朝夕侍側者有
乾清宮管事打卯牌子御前牌子暖殿等名
金印雙頰曉殿開蟒欄蟬鬢謝恩回董工把總
私惆悵曾見先朝木璽來

上命御用監鑄金印賜二奸各重三百兩一
曰欽賜顧命元臣忠賢印一曰欽賜奉聖夫

人容氏印蟒欄蟬鬢指容魏也萬曆中葉坤
寧宮災中宮璽被燬神廟儉德命鑄梨木代
之御用監總辦理造辦有把總二員

阿監衰年乞罷官長隨齋到鏤金盤天恩七字

開堂上卧虎騰龍滿扇看袁昂評蕭思話詩如龍跳天門虎目鳳關

初王安極被宸眷嘗辭司禮監堂印不允御
書輔朕爲仁明之主七字於扇面以賜之答
應長隨內官之卑者職掌召對欽賜諸項奔
走之役

誕辰隨幸總穿紅徧賞兜羅異域絨圓顆數珠
方數葉酒酣相對話中宮

內臣所服襖織青紅不等服紅者曰穿紅近
侍后妃皇子女宮中亦有之別之曰某宮穿
紅兜羅絨織云傳自西域禁中所貴銀作局
鑄金銀豆葉以備欵賞豆者圓珠葉者方片
重僅數分甲子十月初六日張后千秋節舊
例內官各賞銀一二兩是日后偶不懌略散
豆葉數事至十一月十九日爲客氏生辰上

臨幸歡飲隨侍內官設筵給賞俱極豐溢且
多給兜羅絨以示奢內官有追憶前事嗤后
之儉嗇者上微覺之不問

食鬼編龍夜氣寒彩裝十尺列南端征袍如火

鬚如戟小膽宮娃不敢看

文選詩皎皎窗中
月照我室南端

歲暮各宮食驢頭肉名曰嚼鬼以宮中稱驢
爲鬼也編結黃錢成龍形懸之牀間惜薪司
用大炭塑將軍鍾馗等像各成對高三尺許
五色塗畫惟存黑手黑面名曰彩裝祀竈日

奏安各宮殿門此皆舊例也甲子乙丑間忽
增彩裝而大之高約丈餘衣以羅綺佩以弓
矢戈矛髭髯戟張望之如生所費百倍於前
眾中自恃獨承恩錦帳宵分細語頻回首繁華
成往事瀟瀟雪霰別長春

長春宮即永寧宮上改今名以居李成妃自
張裕妃不得其死范慧妃失愛獨李侍寢一
夕密為范妃乞憐客魏偵知之矯旨革李封
絕其飲食欲如處裕妃故事李先是見張妃

之死於簷端壁隙徧藏食物至是藉以充餒
久之二逆怒解黜為宮人自長春宮逼遷乾
西四所遷之日風雪寒沍行色慘悴見者冤
之

鸚鵡盃深琥珀濃暮涼頻灌露行叢瓊樓妝罷
西風曉斜上香雲換淺紅

露行花即牽牛花也其色紫翠似初出鑪之
銀故京師稱鑪銀花宮中音譌露行秋初著
花晨開晝萎夏月灌以酒其萎稍徐而色則

變為殷紅不如初開之媚矣宮中舊無此種
客氏得自民間傳入官人皆愛戴之京師僂
薄子嘲之曰多露沾濡其客氏宣淫之徵歟
懋勤春暖御筵開細演東窗事幾回日暮歌闌
牙板歌蟒欄珠總出屏來

上設地坑於懋勤殿御宴演戲嘗演金牌記
至風魔和尚罵秦檜魏忠賢趨匿壁後不欲
正視牌總內臣所懸於貼裏外者飾以明珠
自忠賢始

淒風晴晝起乾清亂葉高枝似雨零東望省愆

階畔草長隨輦路自青青

呂氏春秋曰南風曰淒風

甲子五月十日旋風驟從西至乾清宮前葉

落堆積罔測所自省愆居在文華殿後舊制

凡災異凶荒聖駕居此辛酉而後闕陛塵封

矣

中官宴散玉山頽枕上聞呼號殿災欲衛天家

持五尺錦衾香暖夢初來

嵇叔夜醉若玉山之將頽百官小吏稱天

子曰天家

甲子歲號殿火災諸內官適以是日開宴醉飽酣卧御前防衛僅三人五尺攢竹爲之宮中有警持以護駕者

海棠花氣靜醅醅此夜筵前紫蠟肥玉筍蘇湯輕流罷笑看蝴蝶滿盤飛

每歲八月宮眷賞秋海棠爲食蠟之會食已淪紫蘇草作湯濯手客氏復教別蟹胸骨鋪貯盤中像蛺蝶形較其似否分巧拙以爲笑樂

選入青蛾髮覆眉玉音指點誦歌詩試拈難字粗能認紅粉書生夜拜師

張后擇宮人之秀慧者口授唐宋小詞孤燈長夜羅侍左右課其勤惰能習者或微語之曰學生子宜拜謝師父矣

金字方牌八寸青應時高捧出乾清平巾內史微沾醉不認街西避道行

銅壺滴漏水交八刻文華殿直殿監官抱時辰牌赴乾清門內換第二牌牌長八寸石青

酉中志卷下
地金書某時二字其所過處坐者起行者側
立街西蓋敬天時之義云天啓時法度廢弛
內官有醉者遇之肩摩不避平巾長隨小火
者等賤臣之冠

紅纈無塵白晝長了頭日日侍君王御厨餘瀝
分沾慣不羨人間婆蒿香

貓食婆蒿則醉

上好貓貓兒房所飼十五成羣壯者人稱某
小厮牝者稱某了頭或加職銜則稱某老爺
比中官例關賞

石梁深處夜迷藏霧露溟濛護月光捉得御衣
旋放手名花飛出袖中香

乾清宮丹陛下有老虎洞不知所始洞背爲
獅街洞中甃石成壁可通往來上嘗於月夕
率內侍賭迷藏爲戲潛匿其內諸花香氣上
所篤愛時探一二種貯襟袖間故聖駕所至
數武外輒識之以芬芳襲人也

簪纓前列九梁隨爲屈三元慶賀期金帶當街
高贊導外廷儀注拜丹墀

玉燭寶典正旦一日三元謂歲之元時

酉
之元旦
之元

內臣朝冠與外廷同七梁與五梁司禮監掌印者於祭中霽神之夜服此魏忠賢益二梁爲九梁良卿賜券後凡遇賀節王體乾以下服九梁冠忠賢居然戴簪纓出班行禮致詞內贊禮官紅袍金帶大聲鳴贊山呼拜舞一如鴻臚寺儀注

美人燈下裹頭行鼉鼓低敲羌笛停清響一聲羅帕捲君王重繫小銀鈴

上夜宴筵時恆於筵前懸一銀鈴命宮人數輩以帕蒙頭冥行相觸者罰鈴出局觸鈴卽以鈴賜之再繫再觸中夕不倦鳴鼓吹笛上所好

玄武初更墮玉鉤長街杳杳夜悠悠石臺銅壁依然在內府宮人不上樓

鮑照詩始見西南樓纖纖如玉鉤

禁中有東一長街西一長街等街街有樓樓設路燈樓以青石爲基銅爲牆銅絲爲窗戶每日夜內府供用庫差官人灌油燃火達曙

熒煌若晝魏忠賢槩令廢之蓋以便於偵伺
諸宮知值房之動靜也玄武樓據紫禁之良
方更鼓在焉

女鬼承恩別賜名輕輿高幘禁廷行穿紅報與
東宮李一夜燈前嘆息聲

光廟妃李姓者二其一光廟彌留時固邀封
后移宮後封康妃者也宮中稱西李娘娘其
一爲莊妃烈皇帝嬰年失恃奉神廟口託令
保護同居勗勤宮者也宮中稱東李娘娘東

李位列西李右而寵眷不逮然簡重寡言素
爲容魏所忌恒呼忠賢爲女鬼以都下有八
千女鬼亂朝綱之謠也舊例司禮監掌印秉
筆許自置坐板昇進乾清門者罰忠賢乘之
出入無忌內臣不得禁地戴巾忠賢又嘗冠
長者巾至寶月亭烈皇帝在勗勤官時東李
每爲道其事相對欷歔忠賢初名進忠因與
盜寶之李進忠同名上更賜今名
少府呈錢次第看篆文肉好盡朱丹纖腰拜賀

天威霽詔免雲臺召史官

漢制錢之府天子曰少府諸侯曰私府禮

記注錢壁之體外為肉內為好

司鑰庫檢得天啓錢數枚古色斑駁不知何代物進至御前上問昔年擬年號者誰改日召來面問左右以閣下及翰林官對御容彪然明日客氏入見諛詞慶賀為此天降嘉祥錢源不竭之徵也上解頤為改前命雲臺即後左門召對大臣之所亦稱平臺

西苑冬殘水未澌胡牀安坐赭黃衣行行不藉

風帆力萬里霜原赤兔飛

西苑池水既堅以紅板作挖牀四面低闌亦紅色窄僅容一人上坐其中諸璫於兩岸用繩及竿前引後推往返數里曠息而已
六宮深鎖萬嬌嬌多半韶華怨裏銷燈影獅龍娛永夜君王何暇伴纖腰
上不好女色夜宴既畢遽陳種種雜戲宵分乃就枕夾紗燈在帳中中所綴有獅蠻滾毬雙龍賽珠等像

酉中志餘卷一
官人相約鬪雞來籠幔青紅背面開四百喙殘
高唱歌當場雙繫彩毬回

當時宮中競爲鬪雞之戲不惜重價購健鬪
之雞調習旣爛屆期登場施五色幔於籠上
背場開籠有能臨陣飲啄自如鬪至三四百
喙且鳴躍不怯者勝可預必也勝者以綵繪
結小毬分纏頸傍入籠迎歸所獲珠羅綺不
啻百金

視學匆匆罷賜茶日輪金珥未西斜須臾十庫

空場裏血濺敦弓縱赤霞

乙丑三月視太學魏忠賢擅改儀注大臣不
得賜茶且趨駕還宮將圍獵於十庫後也甲
乙等十字庫後舊有廢圃忠賢慫恿上翦其
蒿萊以恣馳騁旣至上手刃麋鹿獐兔血污
狼藉羣小拜賀頌英武上意頗快之赤霞赤
霞驄也

良宵鳳彩繡幃空悵別心期兩地同一日內批
三遍召夫人侵曉報回宮

客氏直房一在咸安宮一在鳳彩門鳳彩門直房與忠賢密晤之所也凡歸私第未浹旬忠賢必矯旨召入其出入恆以五更

封本呈來會極門燒燈分勘坐黃昏關心字句無多少一一行間印爪痕

每日所進本司禮監官集乾清宮分看唯會極門按入通政司封本捧匣官人於日暮送至王梁諸人直房再加參閱諸人各據私意恩怨指指爪痕於上下空紙以誌之翌日御

覽時託侍立者口奏施行

此日英華法事停鳴螺捧杵盡傾城弓鞬不便連環變織底拈花自在行

番經殿內官百人習西方梵咒遇萬壽元旦等節於英華殿作法事卒事之日一人扮韋馱抱杵面北立餘人披纓絡鳴鑼鼓海螺諸樂器贊唱經咒至夜五方設佛位立五色織數十人魚貫行於其門有所謂九連環者其行頗疾至九連環變則體迅飛鳥觀者目炫

矣此舊例也辛酉後奉旨教宮人爲之

春曉龍幙夢正長盥盂誰扣響琅琅宮娃不敢
分明問擷角西南指直房

忠賢晨起盥櫛手擊銅盂鏗然有聲宸居咫
尺了不畏忌

覓得仙丹助豔姿不須銀海注桑脂雲鬢細染
羣仙液會遣長如二八時

宮眷搗桑葉汁取雜諸香物置之銀海用以
溼鬢銀海小銀盂也惟客氏命美女數輩各

持梳具環侍左右偶欲溼鬢遽挹諸人口中
津用之昏暮亦然自云此方傳自嶺南祁異
人名曰羣仙液令人老無白髮

局官呈進夏前羅雨霽輕霞漾海波衫子未裁
先借罔彩棚何處牡丹多

海天霞內織造局所造新色也似白而微紅
宮眷內官皆服之人疑爲不祥逾年屢駕舊
制自三月初四日始至四月初三日止宮眷
更服羅衣是時各宮牡丹方盛用五色繒縠

結棚護之相邀宴賞殆無虛日

秋風拂面獵場開匹馬橫飛去復來玉腕控弦
親射殺山呼未畢厥公回

上獵於實善門魏忠賢馳馬過御前上惡而
射之中馬上頰立斃羣下叩首呼萬歲忠賢
怏怏稱病先還印公厥公皆宮中稱忠賢之
詞也

機運銅池繡幔張玉桃偷罷下西洋中宮性癖
嫌簫鼓翠輦還宮未夕陽

上創演水傀儡所演有方朔偷桃三保太監
下西洋諸事張后數辭召不欲觀上嘗強逼
之至不久回宮

藩官十月給冬衣回首先朝事事非卻羨信王

承奉正鐸針枝箇拜恩歸鐸針單一枝居官帽
中尖枝箇桃杖與鐸

針彷彿但枝箇減小偏向成對桃杖
鐸端下垂耳金銀珠翠珊瑚俱可製

當時待新藩恩禮寢薄瑞惠桂三王在京其
承奉等官所給物皆粗惡惟信邸諸臣破例
從豐又嘗特賜承奉正以鐸針枝箇桃杖蓋

喜廟友于至誼也三種貴近內臣加之官帽

上
麝蘭成霧錦成堆傻子琉璃祭水回候旨連朝
多奏贖一時批發出宮來

凡司禮監官公事出宮例不許過宿忠賢至
涿州天壽山碧雲寺等處或琉璃河看祭水
數日回宮奏章皆暫留既回宮次第批發施
行忠賢未進時好賭好酒色鮮衣美食不事
生產人以傻子目之至是京城人見其儀從

奢靡竊嘆曰傻子舊病發矣

竹筴輕搖碧映紅火雲庭院助微風搔頭未挂
青楸葉六字凋殘棄篋中

班婕妤好詩棄捐笥篋中恩情中道絕

時宮中尙金字扇紅漆骨綠箋爲面兩面皆
金字鈔寫四書語六字爲句者所費不貲最
易碎裂立秋日宮人戴楸葉

半夜驚傳虜犯邊兩行紅袖御牀前黃金睡鴨
香楠架明日重懸一把蓮

每夜寢殿門既闔內臣散歸直房所卸衣總

挂牀前架上熏以蘭麝名曰一把蓮夜間御
前有事頃刻裝束趨赴歲丙寅邊警再至皆
午夜奏聞聖駕驚起侍立惟宮人數輩食頃
內侍方至上爲色愠爾後稍有脩復一把蓮
故事者蓋以散置衣冠裝裹未便故也
乾西移住翠華來新例傳宣女秀才爲是初陞
儀未熟玉腮紅暈兩三回

客氏初遷乾西二所上臨幸客氏拜迎用女
秀才引贊非禮也凡聖母后妃行禮女秀才

爲引贊禮官初陞者往往舉止羞澁經年後

周旋合度音聲朗然矣

寶璽呈祥賀聖人宴回猶自記先秦白龍丹鳳

仙桃棗西閣前頭次第陳

河南撫臣程紹進玉璽人知爲贗物魏廣微
謂確係秦璽搖惑帝聽臨朝受賀回宮復設
宴受宮眷賀宴畢進龍鳳等物按祖制遇大
典禮光祿寺備烹龍炮鳳之宴然相傳有其
名耳是日尙膳監宰雄雞代鳳牡羊代龍云

牡馬大棗稱安期棗糖桃稱朔方桃俱裝送御前誕幻荒唐有不啻兒戲者乾清宮有東西暖閣西暖閣上所御也

駐蹕回龍六角亭海棠花下有歌聲葵黃雲字猩紅瓣天子更裝踏雪行

回龍觀舊多海棠旁有六角亭每歲花發時上臨幸焉嘗於亭中自裝宋太祖同高永壽輩演雪夜訪趙普之戲民間護帽宮中稱雲字披肩時有外夷所貢不知製以何物色淺

黃加之冠上遙望與秋葵花無異特爲上所鍾愛扁辮絨織角帶也值雨雪內臣用此束衣離地以防泥污演戲當初夏兩物咸非所宜上欲肖雪夜裝故冒暑服之

河流細繞禁牆邊疏鑿清流勝昔年好是南風吹薄暮藕花香沸白鷗眠

紫禁城內河壅塞歲久忠賢令疏濬之春夏之交景物尤勝禽鳥菱藕彷彿江南

聖手多能絕代資罷朝常自運斤時裕妃笑指

燈屏問雕刻寒梅第幾枝

上好雕鏤木器護燈小屏十座手刻寒雀爭
梅戲弄諸小璫令鬻之仍諭以御製之物索
價十萬金翌日如數奏進上大悅裕妃卽張
妃也未罹禍時宸眷特隆

寧錦鋒銷捷早聞丹青潤色出宮門園丘正近
郊天節奏遣新侯代至尊

錦州寧遠報捷魏良卿進爵通侯未幾代上
行郊天及享廟填祝版等禮其封侯券文係

顧秉謙輩先期擬稿送李永貞輩點竄既愜
意仍發至閣中然後謄寫奏進凡忠賢平日
父子溫旨獎敕皆然

瀉盡瓊漿藕葉中主腰梳洗日輪紅玉簪香粉
蒸初熟藏卻珍珠待暖風

宮眷飾面採紫菜菜實擣取其仁蒸熟用之
謂之珍珠粉秋日白鵝花發蕊剪去蒂如小
瓶然實以民間所用胡粉蒸熟用之謂之玉
簪粉至立春仍用珍珠粉蓋珍珠遇西風易

燥而玉簪過冬無香故也又荷葉盛後侵晨
傾其中露珠和粉清芬可愛諸方皆張后從
民間傳入者主腰刺繡紗綾濶幅也盥櫛時
束之胸腹間

經殿門開曙日暎玉函寥落不堪陳文孫應識
前朝事濯錦江頭問逐臣

司禮監大藏經殿貯累朝書籍宏正以後漸
次淪散新都秉鈞半爲用修太史攜歸至熹
廟時益寥寥矣嘗當六月六日奏請曬晾玉

音卒問嘉靖年間偷書的姓楊官兒何處人
眾錯愕莫敢置對上在青宮時曾與聞於光
廟也

牡丹春盡散天香和露移栽上信玉螻碧瓢紅
無限好就中偏重御袍黃

烈皇帝在信邸時魏忠賢多方媚悅往往霽
色俛納厚酬其來丁卯春以牡丹二百器署
其名於長箋獻之首行所列爲御袍黃是秋
登寶位識者以爲先兆綠蝴蝶瓜瓢紅皆牡

丹貴種

煤山夏日樹青青高處晴霞五色橫未接六科
廊下報滿宮齊賀慶雲生

萬歲山嘉樹鬱葱鶴鹿成羣俗稱煤山甲子

六月山椒有五色雲靈臺占曰景雲將降旨
行慶賀禮適六科廊災事乃寢

綈几東邊侍印公思威常在片言中日斜接出
文淵票一半行間御筆紅

西京雜記天子玉几
冬加綈錦謂之綈几

宣廟賜輔臣文淵閣印一顆凡封進票本揭

帖聖諭敕稿用以誌之魏忠賢目不識丁然
能強記口奏某票宜仍某票宜易井井不悞
且微詞巧中聖情喜怒任其顛倒以是票本
多為御筆增減凡奏文書時司禮監掌印西
向侍隨堂秉筆以下東向侍禮也
奉先高殿月明天寒犬金鈴吠路邊白髮內官
殘夢破幾回驚聽不成眠

奉先殿即內太廟其地禁雞犬有潘某者私
畜細狗於殿之後街以其人為權璫所昵眾

莫敢詰

隔院鞦韆送好春不堪愁坐對芳辰吳綾蜀錦
新裁翦堆出如來七寶身

清明宮中稱鞦韆節坤寧宮及各宮俱設鞦
韆一架相邀嬉戲至立夏節前一日方卸張
后恆諭免之后嘗用素綾作地手剪五色絹
疊成諸佛菩薩妙相宮人奉釋教者互相倣
效謂之堆紗佛

星名次第列銀光點將標題當飲章聖主青年

方好武卷頭先問李天王

蔡邕傳注隱告人姓名無可對質曰飲章

丹陽記齊高帝造銀光紙賜王僧虔

或有用水滸傳罡煞星名配東林諸人以供
談諢之資如托塔天王則李三才也及時雨
則葉向高也崔呈秀得之名曰點將錄佳紙
細書與天鑒錄同志錄同付魏忠賢忠賢乘
間以達御覽上不解托塔天王爲何語忠賢
詳述東西移塔事意欲使上知東林強暴有
如此徒所當翦也上傾聽嘖嘖若憾不同時

者忠賢計阻匿其書遂巡而退

琉璃波面浴鷗鳧艇子飛來似畫圖認著君王親蕩槳滿堤紅粉笑相呼

上數偕中宮泛輕舸於西苑手操篙櫓去來便捷

無限春光轉瞬空尋思翻欲悔鋪宮花容占斷君前豔摧向雕簷暮雨中

張裕妃被寵客魏嫉之既有娠鋪宮膺冊妃禮而過期不育二姪遂力譖於上盡逐侍從

閉妃空宮屏去水火者數日妃餒甚匍匐雨中伏地啗雷水斗許未及上堦而卒

萬幾餘畧建長廊聖主經營食不遑粉釐未乾

宣十作庀材重築蹴圓堂木作石作土作漆火藥作婚禮作搭作東

行漆作西行漆作是謂十作東西行本各油作遊御諱改

聖性好營建迴廊曲室皆自操斧鋸為之然喜厭不恆成而毀毀而復成以是累歲卒未竣功宮中舊有蹴圓亭上又手造蹴圓堂五間高永壽好蹴踘故憇憇造堂以習此戲也

十作內官監所轄以給宮中營建之材料者
小池龍見綠螾螾金盒裝盛特奏聞牌子北花
門外望日輪低處有紅雲

有龍見北花房之小河長尺許色黃碧有爪
無鱗其地近宋縉直房縉護以紅錦盛金盒
中奏進奉旨送赴黑龍潭是晚晴霞明麗御
前牌子迎縉意復以奏聞謂龍見雲從天下
文明之象

春來保母驟承恩御膳雞縱救賜頻紗蓋輕輿

來往路幾人錯認是宮嬪

客氏既封奉聖夫人居然自認爲天子八母
之一在宮中乘小轎張青紗蓋與妃嬪無異
滇南雞縱菜價每斤數金聖性所嗜嘗撤以
賜客氏

龍鳳旌旗左右分廣場排列陣如雲中宮謝病
君王笑紅粉三人將一軍

上欲與張后同御內操上將內官三百旗幟
繪龍列左后將宮人三百人旗幟繪鳳列右

后既至稱病上不悅頃之后先辭歸上歡笑
如初命以宮人之豐而願者代后粹難其選
乃命三宮人並將之然非真有止齋之法特
各持戰具疾趨數周而已

奉聖夫人暫歸歸一空紅霧漸霏微水沈香裏
燈光畔隊隊弓刀錦繡衣

客氏每歸私第先期奏聞特旨差貴近內臣
護送其出恆以五更提鑪藝名香以百計蟒
玉持硬弓防牌圍隨者以二三百計紗燈燒

燭以千計客氏自咸安宮乘小轎逕過乾清
門西一空至西下馬門非禮也制宮眷內官
不許乘車馬過一空

倚殿陰森奇樹覆明珠萬顆映花黃九蓮菩薩
仙遊遠玉帶公然坐晚涼

英華殿前菩提樹二株六月著黃花秋深子
落不從花結與花並發而附於葉之背圓瑩
堅整可作佛珠此樹爲李太后所植太后上
賓神廟上尊號曰九蓮菩薩祀慈容於樹北

之別殿過者下車馬屏息加敬客魏亂法後
玉帶某嘗裸體樹下玉帶內官經賜者故名
異草傳來自粵中內官宣索種離宮春風香豔
知多少一樹番蘭分外紅

當時都下植異種花草相傳自兩廣藥材中
混至內臣好事者遍栽於聖駕嘗臨幸之處
有蛺蝶菊紅水仙番蘭番柿等名番蘭紅花
碧葉上愛而玩之摘供案間或云卽美人蕉
御前呼笑不勝喧爲看君王弄水盤瀑布噴殘

飛雪霽玉竿高處擁金丸

銅缸盛水鑿孔設機挑動之能令水勢逆飛
其初或瀉如瀑布或散若飛雪最後則亭亭
直上如玉柱然下預伏度金木毬大比核桃
忽一涌上玉柱之尖盤旋上下久而不墮宮
中舊無此戲聖意初爲之

舊臣私意夜徘徊禁籞花陰玉漏催旭日西山
松柏路蕭蕭一騎捧香來

烈皇帝冊封信王時失恃已久月夜獨立有

嬰年侍奉老內官董姓者侍側密問曰聞我
生母劉老娘娘葬西山中懿王墳相近汝識
之乎對曰識之卽命具禮次早往祭不令人
知蓋以左右多客魏鷹犬知之或生疑忌也
夢斷君王下玉樓新歡從此更綢繆閒來私誓
桃花岸席市仙居共白頭

宮人有菜戶猶民間之夫婦也客氏菜戶初
爲王國臣國臣與魏忠賢結盟爲兄弟蹤跡
頗狎忠賢故得潛通客氏辛酉夏夜將半兩

人爭寵鬧於乾清宮西暖閣上驚起下樓兩
人偕客氏踞聽處分上笑問曰客奶奶你虔
心要跟著誰我替你斷客氏微露厭薄國臣
之意次日忠賢矯旨勒令國臣告病尋縊殺
之自是忠賢安據客氏爲菜戶矣未幾客氏
置一第於席市街北忠賢置第街南相去數
武春日遊內苑瀝酒私誓他年子告歸休願
同居偕老於此

美人眉黛月同彎侍駕登高薄暮還共訝洛陽

橋下曲年年聲繞兔兒山

兔兒山卽旋磨臺也乙丑重陽聖駕臨幸鐘鼓司承應邱邱執板唱洛陽橋記攢眉鎖黛不開一闕次年復如之宮人知書者相顧疑怪非特於景物無取語意實近不祥也不期年而鼎湖龍逝矣

夾道珠冠穿裏衣流雲一片鳥齊飛操場此日軍容盛爲有邊關敕使歸

上嫌操場器械未備命胡良輔赴山海關鑄

造充用凡內操之日上必先乘駿馬馳騁中道數周流雲馬名也

十五青娥誦孝經嬌羞字句未分明纖腰不忍教扳著夜雨街頭唱太平

選高年知書內官教習宮女讀女訓女孝經等書率教者陞女秀才女史女官正司六局掌印有罪墩鎖或罰提鈴每夜自乾清宮門提至日精門月華門仍還乾清宮門前方止徐行正步風雨不敢避高唱天下太平聲緩

而長與鈴聲相應此舊例也昌啓之際復設
扳著名色以苦之扳著者向北立屈腰舒兩
手自扳兩足不許體曲曲則夏楚亂施立再
移時許其人必頭暈目眩僵仆卧地甚有嘔
吐成疾至殞命者

風吹蒼震雪痕乾七字憑銷九九寒無限紅籬
香屑炭司官日日獻咸安

蒼震門恆閉掃雪甃開每年長至節司禮監
刷印九九銷寒圖宮眷黏之壁間每九繫以

一詩皆淺鄙者立冬後惜薪司進各宮所用
紅籬炭炭用紅漆抹筐盛之故名乾清坤寧
兩宮擣碎炭和以香屑塑獅象等形別進數
百筐客氏怙寵照兩宮例取用而煩苛特甚
咸安宮客氏所居也

天威未霽侍臣驚酒畔何人笑語聲北望長街
霜雪色君王今夜罷微行

坤寧宮前白玉石爲街上嘗月夜徒步至宮
張后諫弗聽後上於酒間挾小忿后亦在坐

上假寐聞宮人笑聲疑爲后不悅於是累月不復至坤寧宮而后眷寵頓衰矣

何處珍禽入御園哀鳴來去晚風前深宮一種驚春夢不是鶯聲嫩可憐

皇極殿旣落成每夜有鳥集殿脊日高輒去大於鶩黑身巨目色如大遠望若有煙霧蒙之其鳴聲不一忽如鬼嘯忽如羊叫忽如兒嘯

池亭避熱夜涼歸醉裏遙瞻象一碑繖卷雲綃

輕夢醒香車飛度已多時

象一宮祀象一帝君範金爲之長三尺餘世廟立修之玉容也宮門左右碑各一刻宮眷人等至此皆下車馬客氏夏夕宴歸張蓋乘小轎伴寐過之

明朝三殿賀成功預恐狂言忤上公除卻閣臣紅面帖一齊題字付留中

三殿功成中外歸美魏忠賢其獎敕溫旨皆顧秉謙輩撰擬紅掩面揭奏王體乾輩迎忠

賢意前後數日內一切章疏皆留中不省恐其或有參商之論也凡文書未經御覽緘以素箋誌官職姓名年月硃語於外收貯御前櫥櫃內是曰留中魏良卿封伯後廷臣褒頌忠賢疏多稱魏上公

貼裏三襪夾裏花中官應節鬪豪華因逢廟忌

更青素瑟瑟波紋襯海霞博雅瑟瑟碧珠也

紅蟒貼裏貴近臣內衣也諸權璫於剡襪下加一襪名曰三襪又創為雙袖襪蟒衣兩袖

各加一蟒舊制於大忌辰及修省中官衣青紫祧廟忌辰衣青綠花樣所謂青素者夏則屯絹冬則玄色紵也當時用天青竹綠花紗羅當青素襯以海天霞色淡紅裏衣內外掩映望之如波紋木理焉

諫事連章奏至尊宮前暫罷選龍孫角羊斑鹿

分收過千騎雲屯北上門青海之外馬多龍種名曰龍孫

內官有名騎馬者凡遇慶典人進馬一匹駕御乾清宮門覽畢付御馬監本官給賞馬不

西中志卷下
堪用該監不收換補大內官賞過祿米者亦
於是日各進一羊一鹿鹿必大白斑羊必四
角六角鹿付南海子羊付牲口房此舊例也
魏忠賢因邊烽未靖各邊缺馬躡陞騎馬數
百人每歲進十餘次每次千餘匹臨期忠賢
不復奏聞竟自至北上門盛服危坐按職名
牽馬魚貫而過不堪用者重加責處於是馬
價數倍於平時

玉兔迎霜秋宴開花城待伴躡蕙蘭香細

鶯聲軟報道高家小姐來

重陽前後內官設宴相邀謂之迎霜宴席間
食兔謂之迎霜兔好事者遠室列菊花數十
層後者軒前者輕望之若山坡然五色絢爛
環圍無隙名曰花城御前牌子高永壽年未
弱冠丹唇鮮眸皎好若處女宮中稱高小姐
宴飲之際高或不與合座爲之不歡

過錦闌珊日影移蛾眉遞進紫金卮天堆六店
高呼唱癡子當場謝票兒

西中志餘
過錦鐘鼓司承應戲名也每回數人爲之極
鄙瑣不文將畢諧謔雜發鑼鼓喧鬧奉酒御
前而散僉事王癸子尤無恥高聲贊誦好個
魏公公處置得內庫供用庫米積天堆怎地
豐盈寶和六店怎地裕國通商忠賢居之不
疑賞賚往往溢於常額焉舊制銀作局銷成
方塊銀十兩起至一錢止刻字記其輕重以
備欽賞名曰票兒銀

幽夢驚回庭院涼雷邊殘照影幢幢銀盃自汲

澆花水潑刺金鱗躍一雙

烈皇帝龍潛勗勤宮夏日晝寢夢雙烏龍蟠
柱適雷電大雨驚而寤本宮花園有二井是
日雨止戲汲於井得金魚長二尺許錦鱗耀
日再汲西井亦如之左右驚詫烈皇帝命畜
之西苑池中

坤寧花落砌痕斑書卷鑪香侍玉顏鏡裏尋思
燈畔語承恩端不爲幽閒

張后既疎宸眷絕不露怨望之色惟以文史

自娛或清坐絮絮獨語而已

畫裏明姬絕代無琵琶番騎擁胡雛君王不愛傾城色只看猙獰揭益圖

李伯時畫昭君出塞大幅趙子昂畫鬼子母揭益手卷皆累朝珍藏舊物也兩種並陳上棄此取彼聖性樂觀險怪之狀而厭近女色略見於此

風掠輕舟霧不開錦鱗吹裂綵鱗摧須臾一片歡聲動捧出真龍水面來

乙丑端午駕幸西苑用絳繒飾小舟首尾爲龍形上親持划及同小璫劉思源高永壽溯流蕩漾怪風忽起雲霧四塞舟覆二璫溺死管事譚敬匍匐赴救扶駕出水

分明角勝列棋枰井宇闌邊鬪掉城十五燕姬偏慧黠雙拋常占上中營

神廟中葉御意創爲掉城之戲用色羅方幅繡井字界作九營中一營爲上營四方四營爲中營四角四營爲下營命宮人持銀錢或

小銀球擲之落上營賞銀九兩中營六兩下營三兩落營外或壓井字罰如中營所賞之數雙擲賞罰皆倍由是諸宮爭效之至戊午遼事大壞說者謂掉城者遼城也始先徵也天啓時猶沿之烈皇帝登極禁止不行水鴨銀苗院院同鵲橋衣卸巧山空晚涼供罷波羅蜜去看河燈萬點紅

七夕節各宮立乞巧山子宮眷衣鵲橋補自初一起至十四止中元節食銀苗菜及水鴨

菜乃藕之嫩芽鴨乃先一日煮熟凝成膏者甜食房進供佛波羅蜜西苑作法事放河燈以上數條俱宮中舊例惟宮人內官深夜相攜看河燈則辛酉以後事也

繖羅深映雨衣紅夾道歡聲接印公正是乾清天晚晚輕瓊寒絮滿長空

聖駕后妃及皇子女晴天例張青紗小繖以蔽日光內臣僅有雨帽及紅藍各色雨衣而已魏忠賢嘗因雨雪張繖至乾清宮簾下方

徹

大家供膳備時珍蝦筍嘗先百味陳荷蕊潭香
秋露白就中多半賜廷臣

辦御膳者四家王體乾魏忠賢李永貞客氏
也客氏所進聖性尤甘之宮中稱老太太膳
其大膳房所進御膳御酒房所造酒以爲具
文備欽賞而已炒鮮蝦入蓂筍止所嗜荷花
蕊寒潭香秋露白皆御酒房酒名

江南霍雨九重憂粉黛所釀當羽流豐豔一人

前仗劔窄靴輕甲錦兜盔

甲子歲吳地大水命道經廠內官教宮女
數十人演習元教建醮禳災筆服雲璈與羽
流無異仍選軀體豐碩者一人飾爲天神仗
劔登壇行法不能勝介胄之重紘錦繡爲之
北騎南窺十萬餘樞臣抗疏達宸居君王聽到
紅夷礮喚捲龍咽草敕書

丙寅秋邊警再至甯錦王永光題疏請移甯
遠城中紅夷大礮置山海關守關時上已不

豫令官人讀之矍然起坐曰此礫若撤人心必搖濡毫欲批紅以手顫不及成字而止聽罷封章紙片除半窗花影月明初牙牌付去朱唯悄醉擁娥眉問聖書

崔呈秀既呈三錄忠賢悅甚目爲聖書於是王體乾輩各鈔一小本挾之袖中每閱廷臣章奏涉錄中姓氏者卽黏寸許紙條誌責處之法齋送忠賢直房且讀且解悉爲忠賢首肯然後除紙條臨期奏進舊例司禮監該正

官有小方牌薄暮挨次相授忠賢不知書從未該正其掌印後牙牌不許自授去紙條時繳付忠賢忠賢自付次日該正官此皆黃昏時事也忠賢猶慮有貽悞夜宴旣畢再偕客氏細商責處當否移時方就寢蓋客氏亦不知書而強記尤勝於忠賢也忠賢用紅輕紗繡花鳥作大幔每與客氏密語其中風送香魂去杳冥遊人到此百憂增玉埋黃土花經雨博得高玄數盞燈

高永壽既死是歲中元節上命於大高玄殿作法事放河燈追薦之嗣後內官宮人遊西苑往往有追述悼惜者

輕輿遊幸當祈禳喜字紅紗照路光傳報萬安中外慶九天靈露獻仙方

丁卯夏上不豫王體乾奏請強起乘小轎幸懋勤殿隨給近侍以金壽字喜字紅紗令作貼裏於御前衣之以爲禳祝於是外廷喧傳聖駕萬安而霍維華爲攘功地亟獻靈露飲

方服未匝月龍馭賓天

御苑花香柳帶陰玉人曾此再行吟珠幢獻罷娘娘廟禁掖重逢小翰林

馮銓初入詞林少年美貌服飾鮮麗內官愛慕者邀入皇城爭先飲宴北臺蕉園諸勝游踪幾遍於是宮中已聞有小翰林矣甲子春忠賢進香於涿州娘娘廟時銓被劾家居因獻廟前所懸珍珠幡幢一座價值三千金跪謁道次極一時供帳之盛忠賢回宮嘖嘖稱

譽內官宮眷雷同附和聖聽蔽惑遂極蒙眷
寵云

遼陽連歲動邊塵圖畫成書達紫宸三十六宮
傳看遍鑄鏤明日賜孤臣

王化貞撫遼與經略熊廷弼不和戰守異議
本兵張鶴鳴右撫撤經臣標下精兵六千與
化貞進戰後喪師失地忠賢以廷弼坐視不
救陰令潘士聞編造遼東傳極詆廷弼傳入
宮禁聖聰竟爲所搖論棄市

宮詞係常熟秀才秦徵蘭所作而同里陳次
杜攘爲已有者也 徵蘭字楚若

擬故宮詞四十首

丁亥春月寓止燕京過長春禪寺邂逅一老
僧迺昔御用監內侍也因從閒話得故宮中
事四十條歸鞍追憶一一占之敢云宮體效
顰聊以寄荆棘銅駝之感傳自中官餘論庶
可釋禁掖深邃之疑耳
南侍爭求獻一文歲朝早見牡丹新粧成白璧
花如錦要識天家富貴春
海子澄波入御溝西山一曲是源頭汲來怪別

民間味會繞諸陵旺氣流

燕中有甜苦水之別

天子風流出世姿諸般雅尙及盤匱鏤金琢玉

俱云俗詔用宣成兩代磁

神宗皇帝福無疆玉帛攸同及萬方動發帑金

收寶石酒黃如缺不開霜

綠刺觀音外國來聖心仁布懺場開龍腮鰓角

都嫌褻只用旃檀鏤作臺萬厯間外方貢綠刺觀音一座其高尺六

寸李太后迎供慈寧宮中

晨暮慈寧誦佛時明珠數子手中持嫌他出蚌

原腥物恰報夷方進竹珠

貓睛進顆萬緡償牀檻窗櫺盡寶鑲便使月昏

宮燭燼晶晶四壁自生光

尙膳偏珍虎眼糖民間不許擅傳方每緣太監

還私第袖與官人翫一嘗

上直龍幃夜不眠屏遮燭影小窗前偶因坐久

朦朧去忽踏青莎到外邊

宮掖花天倦繡多遲遲日影奈春何打成五色

絲繩子閒坐金堦放地鑼

玉皇座後列諸神盡是兼金冶鑄成更著銅絲
簾子護濛濛儼在霧中行

牌子夫人與女官尊卑品級別衣冠隔屏走過
渾難認屏底鞞弓總一般

宮錦閒宵費翦裁製成如意勝千枚每逢節下
人人餉卻笑能如底意來

春風容易到宮庭三月寒梅始發馨數蕊乍開

誰摘去吠花惟惜小金鈴

宮中不畜狗云以帝姓故其說甚俚

旋見花廊月色過教師歸後興偏多齊拋弦索

調簫管偷理南腔白苾歌

暖閣真成別洞天尋常珠寶不陳前珠稱徑寸

寧奇物簾額懸珠大似拳

不禁春暖睡情多雲鬢蓬鬆殿角過背後不知

誰亂罵御前供應白鸚哥

香湯百種早澄清任取金盆漸次傾何得內家

剛浴起一杯古刺水先呈

聞道君王宴月樓諸官絡繹進珍饈偶然醉裏

龍袍污薄浣先頌獅子油

龍樓夜炙百餘盤錦被依牀丈六寬女侍一時
齊出閣至尊已進保和丸

批紅未許內臣猜覆轍懲前惕聖懷起草也防
遺紙上旋書几面卻旋楷

三官分坐御筵旁戲謔恢諧總不妨獨有儀文
難假借謝恩一次一持觴

尚衣每日數箱呈袍帶花紋按景成天子近來
崇節儉歷旬方許一番更

南方珍菓一時并筵罷東宮已四更鼓吹聲中

燈影裏鈿車隨駕入乾清先帝多幸東宮
夜寢必還乾清

殿宇重重向輦開君王夙夜視朝回珠簾寶檻

朝暉透真入琉璃世界來

攜手簾前捲碧窗為憐月色厭銀缸還防立久

階墀冷更進吳綾襪一雙

萼綠花開玉檻前後宮分餉一枝先非緣故劍

恩私別螭首偏宜著翠鈿宮中稱中宮為後宮
龍不裹足鳳不包頭

掖庭諺語也
故有前二詠

萬壽山前較獵場廐人簡馬待君王要知那匹

會封爵背上加披一幅黃

尋常一饌御前陳動輒支銷數百緡上在邸中

諧肆值只令加倍給庖人

朝罷回鑾燕豫時愛抽古史徹宵披丹鉛每到

芳規處傳敕中宮召主兒

宮中稱太子為主兒

祖宗遺法自森然正旦先朝嫂后前答拜未完

天子退曙光方始拂簾邊

先帝正旦必朝張后后答兩拜上下寫隔

夜色朦朧各不靚面

玉螭橋通西海頭君王每歲兩來遊端陽日裏

中秋夜一座蓬萊在御舟

明朝郊祀敕春官問夜慙懃寢未安列戟懸鐙

連十里大明門內到天壇

九門稅額幾千千例給宮中脂粉錢近日內妝

崇素雅半頰戚晚半教蠲

鳳頭鞋子製偏弓內裏相沿代代同一瓣蓮名

傳母后盡翻新樣學吳中

經歲宮闈鼠雀消更拴蝴蝶過牆遙狸奴饒有

勤勞績敕賜黃金帶一條

文書半日積成堆屢詔催呼女秀才纔近御牀
承顧問宮人傳道後宮來

天章天矯似飛虬幾暇臨池不肯休願賜中書
人一幅崇禎建極寶當頭

自掩長門絕世情晝聞喧雀夜聞更年年厭殺
薰風到傳到南頭鼓吹聲

聖躬幾見釋憂勤召對還宮動日曛長嘆不知
緣底事攢眉無語入宵分

毘陵半園外史唐宇昭紀

